

Lög Foreldrafélags Grunnskóla Hornafjarðar.

1. gr.

Félagið heitir Foreldrafélag Grunnskóla Hornafjarðar. Heimili þess og varnarþing er í Sveitarfélaginu Hornafirði.

2. gr.

Félagsmenn geta verið allir foreldrar og forráðamenn nemenda í grunnskólanum.

3. gr.

Markmið félagsins er að stuðla að velferð og vellíðan allra barna í skólanum, efla og tryggja gott samstarf foreldra og starfsfólks skólans, koma á framfæri sjónarmiðum foreldra varðandi skóla og uppeldismál og standa vörð um réttindi barna til mennta og aukins þroska. Til að ná þessum markmiðum hyggst félagið m.a.:

- Efla samstarf foreldra og starfsfólks skólans
- Starfa eftir þeim ákvæðum laga og reglugerða sem Alþingi og menntamálaráðuneytið setja um grunnskóla.
- Koma með tillögur og hafa frumkvæði að endurbótum og þróunarstarfi í samvinnu við skólayfirvöld.
- Standa fyrir fræðslu og upplýsingamiðlun til foreldra og eftir atvikum starfsfólks skólans eftir því sem tilefni gefst og kostur er á.
- Að styðja við félags- og tómstundastarf nemenda.
- Virkja bekkjarfulltrúa í hverri bekkjardeild til að efla foreldrasamstarf innan skólans.
- Efla umræður um skóla og uppeldismál m.a. útivistar- og forvarnarmál.

4. gr.

Stjórn félagsins er skipuð 5 foreldrum/forráðamönnum nemenda grunnskólans og einum áheyrnarfulltrúa skólans. Stjórnin skiptir með sér verkum að öðru leiti en því að formaður er kosinn sérstaklega á aðalfundi. Tveir stjórnarmenn eru kosnir á hverju ári til tveggja ára í senn en formaður er kosinn annað hvort ár.

5. gr.

Aðalfundur félagsins skal haldinn að hausti hvers árs, eigi síðar en um miðjan október. Til fundarins skal boða með a.m.k. 7 daga fyrirvara og hann auglýstur á heimasíðu skólans og með tölvupósti til foreldra/forráðamanna, eða á annan tryggilegan hátt. Kosningarétt á aðalfundi félagsins hafa þeir foreldrar/forráðamenn sem mættir eru og ræður einfaldur meirihluti atkvæða.

6. gr.

Aðalfundur er löglegur sé boðað til hans með löglegum hætti.

7. gr.

Stjórn foreldrafélagsins er heimilt að skipa nefndir um afmörkuð viðfangsefni. Stjórnin setur nefndum verkáætlun í samráði við þær.

8. gr.

Í upphafi skólaárs skal kjósa a.m.k. tvo fulltrúa foreldra/forráðamanna úr hverri bekkjardeild. Hlutverk bekkjafulltrúa/bekktatengla er að efla og styrkja samstarf foreldra og nemenda ásamt því að leitast við að treysta samband heimilis og skóla innan hvevrrar bekkjadeildar. Stjórn félagsins setur bekkjafulltrúum/bekktatenglum starfsreglur.

9. gr.

Stjórn félagsins boðar bekkjafulltrúa/bekktatengla til fundar a.m.k. tvisvar á hverju skólaári þar sem fulltrúar/tenglar hafa færi á að skipuleggja starf vetrarins.

10. gr.

Lögum þessum má aðeins breyta á aðalfundi og þá aðeins að tillögur að lagabreytingum séu kynntar og sendar með fundarboði með a.m.k. sjö daga fyrirvara.

Samþykkt á aðalfundi Foreldrafélags Grunnskóla Hornafjarðar þann 28. október 2015

Undirritað á aðalfundi félagsins þann 23. október 2017

Ardís Einar Hulldósdóttir KA. 171077-3115

Vottar að réttu undirskrift og dagsetningu

Matthildur Ásm kt. 221177-5419

Thórhildis Edda Ólgeirsdóttir. 301081-3329